

四庫全書

集部

欽定四庫全書

集部

劔南詩藁卷七十二至五

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

謄錄監生臣楊浚明

欽定四庫全書

劔南詩橐卷七十二

宋 陸游 撰

閒遊所至少留得長句

畫橈艇子短驢鞦野店山郵每小留
瓜蔓水生初抹岸梅黃雨細欲遮樓
遼東邂逅從歸鶴海上逢迎得狎鷗
豈是人間偏好異暮年難復作沈浮

又

垣屋參差桑竹繁意行漫漫不知村眼明可數遠山疊
足健直窮流水源鷺引釣船經荻浦牛隨牧笛入柴門
試尋高處休行李清絕應須入夢魂

又

太平人物自諧嬉及我青鞵布襪時丁壯趁晴收早粟
比鄰結伴絡新絲圓顰坎坎迎神社大字翩翩賣酒旗
晤語豈無黃叔度欲尋幽徑過牛醫

又

已過樵塢到漁村逢著人家即叩門僧釜藜羹加糝美
市壚黍酒帶醅渾顏齡更媿才能薄故里方知輩行尊
身迫九原兒亦老一經猶欲教諸孫

又

高僧宴坐雪蒙頭閒牧從來水牯牛深院陰陰四簷雨
高堂寂寂一簾秋光明本自無餘欠夢幻何曾有去留
我亦翛然五湖客不妨相與試茶甌

晚雨

春旱久閔雨夏潦復望晴米盡薪亦絕漲水與堦平山
信得新粟欣然聽春聲書生易滿足筆硯還施行南風
柱礎乾西照窻戶明雨其遂已乎努力趣秋成

翼日早晴

澤居傍海壖暑雨困積潦四顧路俱絕所至泥浩浩坐
臥敗屋中兀若在孤島得米無束薪端憂令人老今朝
復何朝浮雲散如掃一蟬鳴高槐兩蝶點平州欣然受
涼颼便欲事幽討呼童羈我駒東走天台道

一雨二十日

一雨二十日雨意殊未闌我廬大澤中四顧煙水寬東
家有小舟借我不作難鷓鴣與鷓鴣自是平生歡更作
十日期水淺生小灘相與極幽賞勿待江月殘

入夏多雨雖止復作六月甲寅始大晴

兼旬大雨無晝夜積潦深虞敗吾稼豈惟一飽墮渺茫
直恐下溼侵腰胯南風忽從木末來新月徘徊出雲罅
州家出符縣家喜泄水漸空梁可架放翁亦復扶病起

旋築頽牆補茆舍便合觀身作老禪安心穩坐今年夏

題尊信齋

并序

吾友陳希真求序名其書齋予告之曰韓文公
言讀孟軻書然後知孔子之道尊晚得揚雄書
益尊信孟氏因雄書而孟氏益尊予謂孔子豈
待人而尊孟子亦豈待人而信韓之言則過矣
然尊信孔孟者實學者之本務也請以名君齋
且為詩以終吾意

於庠孔孟何其卓如天日月地海獄正令舉世皆楊墨
邪正豈復勞商榷雖然此道久橫流執熱其誰不思濯
魯鄒遺書世皆讀要以尊信為善學吾友希真蓋其人
不肯倪首為齷齪羹藜飯豆欲老矣功雖未竟志則慤
我居山陰子在閩闕然不見千里邈澤中久雨道路絕
叩戶忽聞聲剥啄尊信二字子所知妙質豈復須斤斲
伏生九十語已訛失旦自慙猶喔喔

夏日雜詠

閒居自無客况復暑如焚百折赴溪水數峯當戶雲幽
尋窮鹿徑靜釣雜鷗羣舊愛南華語今方踐所聞

又

兀兀從誰語眈眈寄一牀不嗟頭似葆但苦汗如漿歆
枕風生竹鉤簾日轉廊非由靜勝熱本體自清涼

又

蒲葦蕭蕭晚楸梧蕭蕭陰山童驚大斲林鳥伴微吟蠻
硯深瀦墨吳棧熟擣碁新詩與醉帖自笑尚童心

又

省事心君靜忘情眼界平
食便飧酪美浴試葛衣輕
鶴整千年駕鷗尋萬里盟
秋風即在眼作意上青城

夏日

颼颼風露髮根涼月落菱歌盡意長
分得鏡湖纔一曲
喫虧堪笑賀知章

又

新闢虛堂痛掃除蕭然終日屏僮奴
此間恐是維摩室

除却褰牀一物無

又

平明一浴汗無餘坐覺胸中合太虛
春玉作糜天所賜不妨數飭進山蔬

又

艸芝方出我眉老力比金丹似更多
秦不及期周過歷

始知養壽在中和

伏中方製艸芝丹此方出史載之學士家

苦熱

炎歊行中天，曼膚汗翻水。纖絺薄如霧，不異鎧被體。散髮垂兩肩，萬事棄不理。寸陰若度歲，日暮何可俟。頗聞交廣間，暑又烈於此。此如不可耐，彼豈皆暍死。聊當扶短策，北澗弄清泚。豈必拜賜冰，恩光動閭里。

予頃遊青城數從上官道翁遊暑中忽思其人

往年屢遊丈人祠，上官八十如嬰兒。自言少年聾不治，芝房松鬣可無飢。叩之不啻但解頤，德人之容端可師。我聞學道當精思，畢世不可須臾離。公雖泯默意可知。

亡羊要是緣多岐
逝從公遊亦未遲
聯杖跨海尋安期

龜堂

障日松棚正策功
幅巾聊得受微風
蟬聲不斷州堂靜
潦水已歸村路通
拄杖閒行穿犖确
孤雲時見起龍從
東陽醇酎無由到
知負今年幾碧筒

郭希呂呂子益兩
友歲餽酒今以故

不至

夢中作

試說山翁事諸君
且勿譁百年看似夢
萬里不思家夜

艾猶添酒春殘更覓花却嗤勾漏令辛苦學丹砂

又

平羌江上月伴我故山來幽興依然在浮雲正爾開清
秋纔幾日黃葉已成堆未醉江樓酒扁舟可得回

秋近頗有涼意

平旦麪數箸晡時飯一杯枝梧長日過悵望早秋來團
扇尋詩寫緇巾借樣裁惟應水邊坐待得市船回

夜坐中庭涼甚

銀漢迢迢夜氣澄都忘朝暮困蚊蠅月從東涌行空闊
風自南來洗鬱蒸渴解似嘗仙掌露魂清如近玉壺冰
誰知此際超然處不減廬山入定僧

東偏小室去日最遠每為逃暑之地戲作五字

肅肅簷陰轉泠泠筧水鳴高墉日氣遠方簾午風清渴
愛殮漿美慵便葛屨輕新秋忽在眼結束問山程

野寺

僧壁題名半闕訛重來歎息屢摩挲林蟬欲斷暮復急

竹露如傾秋更多半俸漸償賒酒券故山已換釣魚蓑
西窗一看拈棊罷歸去還憂爛斧柯

南堂雜興

車馬無聲晝漏長野人與世已相忘屏除長物軒楹爽
洗濯塵襟肺腑涼秋近平郊鳴鵲鶴日斜荒徑下牛羊
興來欲喚筇枝去更盡銅爐一炷香

又

新涼一夜入郊墟晨起衣巾爽有餘燕欲委巢雛盡去

燕有三生雛者
及秋雛方去盡

扇猶在手意先疎題詩又滿牛腰東采

藥常携鴉觜鋤湖上從今風月好不妨隨處命籃輿

又

蛩聲每續蟬聲起桐葉仍兼柳葉凋
嬾惰心情疎筆硯
久長生計屬漁樵鬢茅旋補東廂屋
伐石新成北港橋
物外高人來往熟等閒折簡也能招

又

耄齒東歸息故廬聊持頑健託鄉閭
未忘麈尾清談興

常讀蠅頭細字書，貧甚尚能耕有犢。
步輕那歎出無驢，南堂又見秋風起。
卧看溪雲自捲舒。

又

犇走當年一念差，歸休別覺是生涯。
茆簷喚客家常飯，

竹院僧隨自在茶。

紹興初僧喚客茶各隨意多
少謂之自在茶今遂成俗

禪欠遍

參寧得髓詩緣獨學不名家，
如今百事無能解，只擬清秋上釣槎。

又

十里城南禾黍村，白頭心事與誰論。
情偷已墜先人訓，迂拙仍辜聖主恩。
病退時時親蠹簡，興來往往出柴門。
斜陽倚杖君知否，收點雞豚及未昏。

村老人不能耕者以收雞豚為事村

然隣皆

又

年過八十更應稀，又向清秋聽擣衣。
一片雨來書幔黑，數聲鐘斷釣船歸。
酒壚好事能焚券，薤露無情未解圍。
剗欲出門尋一笑，故人零落歎疇依。

又

北連大澤驚秋早東限連林覺曉遲
數筋藥苗留客話一爐松火約僧棋
人間掃跡雖堪笑物外論心頗自奇
有恨未償猶絕歎青城交舊待多時

新秋往來湖山間

車似雞栖舟似葉百里何曾勞步履
朝遊樵風弄清泚暮泊石帆登岌嶭
旅飯雖舂纔脫粟僧羹無菜寧用挾
歸來村落未上燈除却御風無此捷

又

會稽山下樵風溪翠屏倒影青玻璃尤奇峭壁立千仞
行子欲上無階梯商山坐看紫芝老武陵無奈桃花迷
人間得意妄自喜一關憐汝真醯雞

又

禹祠巍巍閱千代廣殿修廊半傾壞屹然遺寔每摩挲
石長苔侵字猶在去年已媿曳杖來今者更用兒扶拜
聊持一酌薦丹衷哀疾龍鍾神所貸

又

健席高檣梅市路朱橋綠樹蘭亭步
兒時釣遊略可記
不料耄年猶此處漁歌相和葦間起菱船
遠入煙中去
世間萬事等浮雲耐久誰如兩芒屨

北崦

毒熱憚輕出新涼尋舊盟西郊猶近市
北崦漸謀耕松
菊有佳色山林無俗情行行望續火
一點隔林明

小室逃暑

千頃菰蒲萬里風漁翁散髮臥孤蓬何如此室纔尋丈
常在水壺雪窖中

秋雨
中作

燈前劇論與誰同中歲朋儕亦已空行道敢希千載上
會心聊付一編中雨侵壞甃新苔綠秋入黃林數葉紅
莫怪又生湖海興此身元自是孤蓬

目昏有感

兩眸眵昏八十餘爾來觸事覺空疎何由四目如蒼頡

讀盡當年倚相書

幽居

一曲清溪帶淺山，幽居終日卧林間。
丹經在昔曾親授，死籍從今或可刪。
人笑拙疎安淡泊，天教強健享清閒。
秋來漸有佳風月，擬與飛仙日往還。

初秋即事

簾櫳雨過不勝清，秋氣依依似有情。
高棟尚餘雙燕宿，短莎先放百蟲鳴。
挑燈剗欲開書帙，擘紙時須近酒觥。

却媿隣家常作苦探租黃犢待寒耕

又

老來閱世苦匆匆又見流年入鬢蓬
山徑溼螢黏露艸井牀病葉竇秋風
隣翁每共藜羹味穉子能終汗簡功
造物於人元不薄未須抵掌歎囊空

山庖

新春糲粳滑如珠旋壓犁祁軟勝酥
更翦藥苗挑野菜山家不必遠庖厨

題道傍壁

晚境那禁歲月催幽花又見澗邊開
莫辭賸買旗亭酒恐有騎驢李白來

又

湖廢財存十二三拍隄漲水尚如藍
吾廬隱翳初非意頗欲臨流結艸菴

訪野老

農事元知要細評野人有舊得尋盟
林深未見果蔬地

舍近先聞雞犬聲春水築塘謀竭作陽坡卧犢約同耕
老來常歎人情薄深媿今朝倒屣迎

書適

架竹苫茅屋數椽推開窓戶即江天微飢未遽愁長日小
疾何妨度厄年孤鶴入秋偏警露斷山欲雨自生煙囊
中妙法君知否買斷清閒不用錢

憶蜀

憶昔西遊日岷峨勝事繁題詩古栢廟載酒海棠園世

故紛難料年光浩莫論所欣身尚健
袷褐醉江村

生涯

生涯數畦菜心事一溪雲
樵擔斜陽下漁歌靜夜聞
門無俗駕到厨有遠泉分
但了麴蘖事功名烏足云

又

身世茫如夢門庭冷似冰
逢迎賣藥叟辭謝乞錢僧
羸疾時時劇衰顏日日增
人扶亦可出要是藉烏藤

又

舊業桑麻在，頽齡耄耄過。虞卿著書晚，伏叟授經訛。井
上磨樵斫，村東買釣蓑。傾身營一飽，自笑又蹉跎。

又

殘年端有幾，寂寞寄滄洲。烏宿千林暮，蟲鳴四壁秋。風
廊動礎杵，月壠把鉏耰。衣食隨宜具，何心復浪求。

對食作

潦餘多稼猶中熟，種晚嘉蔬亦半收。黃耳輩生殊自喜，
白頭韭長復何求。比量傍舍慙溫飽，誦詠農書傲惰偷。

偶有一樽難獨啜過門誰肯小遲留

曉思

昏昏斷夢帶餘醒散髮披衣坐待明
城角吹殘河漸隱海氛消盡日初生
老農自得當年樂癡子方爭後世名
莫怪閉門常嬾出即今車蓋為誰傾

戲書

柳下人家枳作籬小姑不畫入時眉
緯車聲出窗扉裏正是新涼夜永時

梅市舟中作

漕渠北向小橋通，漸入蒼茫大澤中。
造物將無知我醉，故吹急雨打船篷。

孤店

與兒孫送五郎為淮西之行
小飲民家是日雲興頗憂雨

孤店門前千萬峯，酒濃不抵別愁濃。
明朝晴雨吾能卜，但聽蘭亭古寺鐘。

過魯墟先太傳舊隱

桑竹蕭條帶夕陽，故居依約古河傍。
頽垣壞甃無尋處，

父老猶言學士莊

步月

鷗鷺論交有舊盟
越山勝處著柴荆
只思小閣焚香卧
偶作長堤蹋月行
湖濶煙鐘來縹緲
林疎漁火見分明
店家已賣新篘酒
一醉今宵似可成

拄杖示子適

拄杖相從四十年
交情耐久獨依然
西窮巫峽岷江路
北抵岐山渭水邊
早已歸休弄泉石
老猶緩步歷風煙

會同鉢袋并禪版付與兒孫世世傳

讀道書

一境有神龍歲不畏枯旱為國常得賢百世不可亂吾
讀黃老書掩卷每三歎正使未長生去死亦差緩如何
不自力白首猶漫漶友朋死略盡日月難把翫豈無獨
往願兒孫苦羈絆安得葛與陶相從明此段

秋日睡起

白露已過天益涼練衣初覆篝爐香天其閱我老且憊

付以美睡聲撼牆離騷古文傍倦枕砥柱巨刻懸高堂
睡餘一讀搔短髮萬壑松風秋興長

書意

屋漏徙我牀窗破補其罅衣穿傲狐貉食淡忘膾炙人
生老可哀百事就哀謝我喜在得歸味美如啖蔗雖云
茅茨陋豈不賢傳舍兒能牧雞豚身自種桑柘市壚酒
易賒鄰廐驢可借睡任門生嘲醉無官長罵見書眼先
閉情嬾亦自赦却後五百年林間作佳話

寄題龔立道崑山樓間堂

我居山陰古大澤出門尚恨風煙迮欲求曠快舒眼力
夢中去作樓間客樓間主人計不疎萬卷讀盡家藏書
平時不喜入城府況肯自屈承明廬聽雞東帶誰不爾
明時可仕君獨止不妨借地作園林買山豈是巢由事

園廬皆借
地營之

秋雨書感

新春赤米摘青蔬一飽從來不願餘門外久無溫卷客

架中寧有熱官書濁醪未廢時時歡短髮猶須日日梳
自笑少年風味在滿川煙雨正愁予

又

晨起開門雪滿簷東崗一徑得幽尋斷雲殘雨歲華晚
丹實碧花秋意深林下已悲身老病人間猶與俗浮沈
牀頭小甕今朝熟又喚隣翁共淺斟

弄筆

少學文章竟不成暮年晚弱字歌傾抽毫欲下還休去

渠几空憐似砥平

睡覺作

世言黃帝華胥境千古榛荒孰再遊
但解消搖化蝴蝶不須富貴慕蚍蜉

又

邯鄲夢事豈關身未熟黃梁迹已陳
輸與烏衣老鈴下日中睡覺一顰伸

秋思

露濃壓架葡萄熟日嫩登場擺極香商略人生如意事
及身強健得還鄉

又

三三兩兩戲魚行香餌纔投去若驚寄與扁舟五湖客
只當遠引過平生

又

一篇舊艸天台賦六幅新傳太華圖占盡人間清絕事

紫藤香起竹根爐

藤香近
出廬山

又

村南村北鵲鳴鳴小雨霏霏又作晴拂枕欹眠不成夢
却拖藤杖出門行

又

出門東行復西行處處人家打稻聲小甕秫醅雖未熟
後園楮蕈已堪烹

又

看雲廬阜屏風疊采藥嵩山冠子峯行盡四方心未快

不如一擢醉吳淞

又

桑竹成陰不見門
牛羊分路各歸村
前山雨過雲無迹
別浦潮回岸有痕

又

隣砧落日數聲殘
汀樹秋風幾葉丹
冉冉清愁來不斷
無方能使酒腸寬

又

老子齋居罷擊鮮木盤竹筯每隨緣隣僧不用分香鉢
蓮茭猶堪過半年

又

存神止慮自長年黃老遺書漢尚傳妙語雖傳人不省

却從丹竈覓神仙

漢武帝賜平津侯詔曰君其存精神正念慮補助醫藥以自持祁侯與楊

王孫書曰願存精神省思慮進近醫藥厚自持其語悉同疑出於黃老遺書至漢尚傳也

秋來苦貧戲作

閉門高卧養吾真說著生涯笑倒人奴閤囊空辭雇直

婢愁爨冷拾炊薪羹能有糝猶為秦地到無錐始是貧
一飯不妨支一日讀書常媿聒比隣

晚晴

雨餘殘日入疎籬變化相察乃爾奇千嶂暮雲收盡後
一年秋暑洗空時如山酒券不相貸隔巷衣砧如許悲
剝欲出門紆滯思交親零落與誰期

對月

遠客厭征路流年逢素秋不知今夜月還照幾人愁

又

艸艸治杯盤三更月露寒
茆簷雖隱翳終勝客中看

出近村晚歸

松枝代如意練布製單衣
出每沾晨露歸常送夕暉
野花當路發沙鳥背人飛
到舍燈初上茅簷聞踏機

又

苦雨秋將晚羈愁酒易醺
百年終腐骨萬事盡浮雲
果熟多猿噉林疎過鹿羣
亦思書觸目老嬾不成文

晚秋

雞聲喔喔頻催曉木葉颼颼已變秋
憂患縱多終強項
飢寒未至且優游
老罷尙欲身當道
乳虎何疑氣食牛

時黑孫方
生半年

但有一愁消未得
大兒白髮成邊頭

犬雞

小犬一何警
日夜吠籬落
老雞則不然
平旦方喔喔
勤惰各其性
於我何厚薄
糠粃一施之
且復慰寂寞

賣藥翁

老翁如我老賣藥以代耕得錢付酒家一毫不自營浩歌和隣叟苦語誨後生我欲為作傳無人知姓名

書里中事

事近接耳目誕信良易知頗疑有定數一惑不可遺坐視非所安忠告反取疑雖抱愚直意妄發悔曷追

書室雜興

秋水淺出灘秋葉落成陣方喜風露清已歎霜霰近衰疾雖向平不死亦茱萸燈青地爐冷吾學其少進

又

衣多蔽之笥食餘積之囷我享既有限富亦豈勝貧布
褐本自溫筍蔽固已珍君看梁伯鸞寄食終其身

又

老眼觀細書紛然黑花墜不如袖手坐嘿誦舊所記但
恨志弗強編簡頗失次後身作書生努力究此事

又

學書五十年其進不及寸未能踐繩墨況敢說豪健雖

然亦有用尚足博麤飯開學教牛經坐市寫驢券

秋感

瘦盡腰圍白盡頭悲蛩聲裏落梧楸短檠且慰經年別
豎褐猶懷卒歲憂天地無私嗟獨困風霜有信又殘秋
頑軀安得常強健更倚東吳寺寺樓

秋夜

秋色滿江干江楓已半丹身閒詩簡淡道勝夢輕安偃
蹇憐腰折清癯鄙面圓何妨杵衣夜又見歲將殘

又

落葉鳴遙夜啼螿送暮秋不知何許笛故作此時愁青
海三年戍黃旗萬里侯何如石帆下煙雨釣滄洲

劔南詩橐卷七十二

欽定四庫全書

劔南詩彙卷七十三

宋 陸游 撰

秋日村舍

會稽城南古大澤
霜晴水落煙波迤
寒風蕭蕭凋櫟柳
暖日暉暉秀麴麥
傳聞新詔募新軍
復道公車納羣策
忠誠所感金石開
勉建功名垂竹帛

又

川雲慘慘欲成雨宿麥蒼蒼初覆土芋肥一本可專車
蟹壯兩螯能敵虎村村婚嫁花簇檐廟廟禱祠神降語
兒孫力稼供賦租千年萬年報明主

村遊

閉戶苦無憀行行不覺遙人稀廢古井水退築新橋野
店聽山雨僧厨餽藥苗湖中有高士折簡恐難招

吳歌

勝負兩蝸角榮枯一蟻窠人情苦翻覆吾意久蹉跎困

睫憑茶醒衰顏賴酒酤坐人能聽否試為若吳歌

秋感

扶杖龍鍾迫耄期江湖木落更堪悲醉中光景似得志
夢裏朋儕如少時落筆龍蛇仲蒙帖芮國器一字仲蒙滿懷風
月季長詩前朝名勝凋零盡百歲關心只自知

又

聖世優容許乞身歸來猶幸齒齊民漁家那有懸車地
蔬食何施祝鯁人獠婢臨溪漂衣絮蠻童掃葉續炊薪

生涯如此仍秋暮賴是從來慣處貧

紹興辛未至丙子六年間予年方壯每遇重九多
與一時名士登高於戴山宇泰閣距開禧丁卯六
十年憂患契濶何所不有追數同遊諸公乃無一
人在者而予猶強健慘愴不能已賦詩識之

故里登高接雋遊即今不計幾番秋一樽尚與菊花醉
萬事不禁江水流薄命雖多死閭巷逢時亦有至公侯
若論耄歲朱顏在窮達皆當輸一籌

結茅

結茆湖曲兩三間客少柴荆盡日關
挿架圖書娛晚暮

滿灘鷗鷺伴清閒壁龕吳晉千年字

斷地得吳永安
晉太康中古軌

窗

納蒸稻萬疊山自怪堅頑推不倒
時來臨水照蒼顏

老健

年垂九十身猶健竹屋荆扉不厭低
挈榼自沽溪巷酒
擁衾遙聽別村雞
家添豚柵還堪賦
路認牛欄每不迷
惟恨窮秋開霽少
晚來小雨又成泥

幽居即事

壯歲本亡奇，顏齡又及斯。
極知身有幾，惟是醉相宜。
燒艸溫新犢，編籬護伏雌。
謀生未忘念，笑語路傍兒。

又

晚日照茅茨，西風吹接羅。
貧思止酒易，老悔養丹遲。
斷地秋畦樂，焚香夜櫟著。
呼兒具舟楫，吾欲上湘灘。

秋晚書感

犧象初心豈願才，溝中雖斷不須哀。
吾生自信雲舒卷。

客態誰論燕去來夕露正看沾艸棘晨霜已見落楸槐
耄年閉戶真無憾葑火更闌熟芋魁

小市暮歸

愛酒行行訪市酤醉中亦有穉孫扶林梢殘葉吹都盡
煙際孤舟遠欲無野餉每思羹苜蓿旅炊猶得飯雕胡
青山在眼何時到堪歎年來病滿軀

寓歎

日夕羊牛下月明烏鵲飛林林皆有託貿貿獨安歸疾

痼方求藥秋高未製衣岷峨不遂隱更恨昔謀非

又

交世非初志謀生又絕疎家貧思辟穀人忌悔知書門
異回軒巷藥無禿尾驢老頑君勿怪萬事有藥除

又

短髮不禁搔紆悲賴濁醪潦收溪瀨急木落寺樓高善
飯餘何欠看雲亦足豪今朝有奇事江浦得霜螯

題僧菴

細路穿雲塢危橋渡野塘人稀土花碧屋老瓦松長憂
患雙蓬鬢裝資一布囊燒薪藉餘暖今夜有新霜

哭季長

岷山劍曲各天涯死籍前時偶脫遺三徑就荒俱已老
一樽相屬永無期寢門哀慟今何及泉壤從遊後不疑
邂逅子孫能記此交情應似兩翁時

又

我荷鋤時君賜環君歸我復造清班無由促席暫握手

每得寄聲聊解顏造物不令成老伴著書猶喜在名山

李長晚著
書數百卷
半年僅得陳蓴鯽白首臨風涕自潸

魔境作頗思遠適賦此自遣

夜夜燃燈旦旦香修行老尚墜微茫齋居自許塵心盡
遇事方知業力強兩屨生雲入瀟皖孤舟載月上瀟湘
道人行李君毋笑惟是著筒與藥囊

枕上

窗紙蕭蕭印月痕數聲新雁過江村孤愁不與夢俱斷

羸老豈知身尚存世事萬端歸蠹簡
秋風百感集清樽
荷鋤家園知何憾猶勝生求入玉門

讀幽詩

我讀幽風七月篇聖賢事事在陳編
豈惟王業方興日
要是淳風未散前屈宋遺音今尚絕
咸韶古奏更誰傳
吾曹所學非章句白髮青燈一泫然

北窗

半世蟬嘶坐北窗
老年依舊守殘缸
買書安得黃金百

覓句如求白壁雙老氣尚思吞夢澤壯遊曾是釣巴江
寒生事業秋毫盡筆力終慙鼎可扛

小圃醉中作

搖落園林探借春耄期詩酒肯輸人狂時湖海猶嫌迹
達處羲農亦未淳木葉蔽身如盛服藜羹加糝即常珍
巢由尚隱唐虞代漫道桃源是避秦

秋冬之交雜賦

蓬戶終年閉靈臺一事無貧猶能自活哀未藉人扶兒

學無歆異孫帝有啓呱東隣麴道士折簡也能呼

又

霽日收殘靄微霜作早寒桐凋無宿葉水退出新灘
室小纔容膝門低每觸冠平生只此是何物動憂端

又

避俗嫌林淺安貧覺屋寬地爐燒葑火土榻藉蒲團
稚子誇藜糝高僧輟芋殘霜寒固難出不怕笑蹒跚

又

嶺下晨炊黍津頭暮繫船寒潮吞別浦老木慘蒼煙市
徙新山少耕侵古廟堧間人不蓄憤散髮醉江天

又

霧雨林塘晚風霜聚落寒衣冠存簡朴農圃備艱難春
簸麴供餌蒸炊豆作團此心如古井無地起濤瀾

又

碓舍臨寒水漁舟弄夕霏烏將九子過雉挾兩雌飛浮

世萍無蒂流年弩發機常思南鄭日縣驛跨驢歸

漢中
西縣

村落下臨讓水
景物頗似吾鄉

海山

補落迦山訪舊遊
菴摩勒果隘中州
秋濤無際明人眼
更作津亭半日留

飲村酒

湘浦騷人詠
啜漓黃州飲
溼又增奇紛紛
坐客評清濁
我已昏然睡不知

觀諸將除書

百鍊剛非繞指柔
貂蟬要是出兜鍪
登得官若使皆齊虜
對泣何疑効楚囚

捫腹

身如柳子腹瓠壺
三畝荒園常荷鋤
著萬卷書雖不足
容數百人還有餘

醉歌

却日莫揮戈
君當聽我歌
花殘狂有限
酒熟悶無多
生理憑長鑱
幽情寄短蓑
江湖秋萬里
未死且婆娑

自歎

惡殺常根食安貧但縕袍消搖敢言達簡默本非高入
剡逢飛雪遊吳看怒濤平生笑漁父苦語勸鋪糟

村翁

不入城門三歲餘亦無車馬過吾廬食常羹芋已忘肉
年迫蓋棺猶愛書處處叩門尋醉叟時時臨水看遊魚
半生名宦終何得作箇村翁計未疎

不寐

一竿江渚寄沈冥衰疾侵凌失鬢青
困睫日中常欲閉
夜闌枕上却惺惺

書志

平生不喜作鵬搏常伴寒螿語
夜闌一椀淖糜支日過
數椽破屋著身寬衰殘雖已歎
垂白憂患未容侵渥丹
後五百年吾話在笑君虛坐幾蒲團

東偏紙閣初成

此蟬占雨解移穴蟋蟀畏寒先近牀
我亦聯屏為燠室

一冬省火又宜香

小豎醉

漫道樽中酒不空
歌呼誰解和衰翁
可憐小豎如獼猴
却有平陽吏舍風

雜興

寸陰可惜子所知
尺宅治生今未遲
虛費年光作閒事
人間信有白頭癡

又

堯舜桀紂皆腐骨王侯螻螳同邱墟麥苗覆塊鳩喚雨
常恨無人同荷鋤

又

一春妍暖無多日八十康強有幾人學不名家空自苦
路邊醉倒却關身

又

詩人肝肺困雕鐫往往壽非金石堅我獨適情無傑句
化工不忌遣長年

示兒孫輩

昔忝諸生後初非一世豪但希鄉有秩敢望郡功曹
歛版寧為辱扶犁亦足高兒孫勿妄想底處不徒勞

雜賦

養疾清溪曲風林幾著霜細書如助嬾薄酒不成狂
老歎朋儕盡閒知歲月長柴門偶一出倚杖立斜陽

又

孤學違流俗危機歷畏途逢人增懍忼看鏡失膚腴
閉

戶書圍坐移燈影向隅空懷四方志泯默死東吳

又

家業貧原憲年齡老伏生但悲鸞獨舞那羨雁能鳴釀
酒秋常醉驅牛夜亦耕此身當自貴勿用作投瓊

又

賢固不如賤狂應未勝癡閉門真已矣命駕欲何之碧
縷生香袖清漪漲硯池是中有佳處不覺晝陰移

又

海上魚鹽聚煙中雞犬聲耕農叱牛去醉叟策驢行歛
薄民差樂烽消盜略平悠然憩松下我亦有幽情

又

櫛髮晨興後寬腰午餉餘講明窮理學讐校養生書倚
杖聽啼鳥臨池看戲魚怡然又終日底事解愁予

幽居

人間歲月苦駸駸白首幽居不厭深嬾愛舉杯成美睡
靜嫌對奕動機心山村野渡雙芒屨夜雪晨霜一布衾

不到匡廬三十載夢携巾鉢上東林

連日作陰頗有雨雪意

十分歷日過八九徂歲迫人殊可驚霜木蕭蕭臨古道
雪雲慘慘冒高城山頭噤雀無生意水面飢鳶有墮聲
剗壓新醅供旨蓄從今次第問春耕

山房

四紀移家剗曲傍自茨生艸作山房寒侵夜艾知霜重
行遍天涯覺夢長戒婢無勞事釵澤課奴相率補陂塘

無衣已免幽人歎數箔春蠶歲有常

梅市暮歸

老境惟閉門不與事物接時逢佳山水尚復快登沙山
程策小蹇水泛搖短楫今茲稅駕地佳事喜稠疊雲生
溼行滕風細掠醉頰旅羹芼玉糝僧飯敷白甑葑火煨
芋魁瓦甑炊豆莢經行出幽圃懷抱頗自愜枯籬絡丹
實深澗堆黃葉白雲橫谷口綠篠穿山脇還家寧迫暮
取路羞徑捷何當倚蒲龕一坐十小劫

法雲寺

法雲古蘭若西走

秦

錢塘路帆影梅市橋人語柯山聚

吾家昔為隣來往無晨暮十世三百年散徙非復故修
廊與廣殿亦已化煙霧經營久不倦大體始略具鐘魚
以時鳴軒檻有幽趣中庭掃蕪穢斷碣起顛仆老我絕
世緣隨身惟兩屨願言治北窗寂寞同子住

郊居

郊居本宴如觸事自多感況當搖落時雲重天慘慘路

窮非通途地偏無遠覽殘蕪連古道槁葉滿幽坎老來
厭了了萬事付黥闇地爐熾生柴喚客烹薺糝

作雪不成獨詠

淡日朝穿霧濃雲夜護霜風聲空浩蕩雪意愈微茫
几閒臨帖銅爐靜炷香悠然踐殘歲不是傲羲皇

聞雁

蜻蛚浦中聞雁聲寒侵裋褐客愁生忽思大散關頭路
雪壓蒙氈夜下程

泛舟至蜻蜓浦小泊漁村

醉泛蜻蜓浦
啞呬一艣聲
陂塘秋水瘦
墟落暮煙生
野店曾留醉
樵翁不記名
相逢雖惆悵
懷抱已先傾

散策門外隣叟怪其瘦

八十衰翁力既憊
強扶藤杖出門前
朝晡恃粥何勞歎
齒脫牙搖已數年

書警

束帶接一客
伸紙報一書
未為甚疲勞
已覺不枝梧
惟

有褰手坐儼然如齋居尚懼精神衰藥石以自扶

又

情慾雖害人要是自惑溺吾觀日用事飲食真勦敵乃
知七箸間其禍甚衽席堂堂六尺軀勿為口腹役

園中

殘菊無復花遊蠶抱枯叢我老復多疾寄迹窮巷中開
門無客至安取樽不空夕陽挂高樹此日還怱怱

冬晴行園中

冬溫光景如春妍暮年強健勝壯年手推園門拂石坐
豈暇為客思無羶殘蕪未死更鬱鬱晚菊欲稿猶鮮鮮
閒愁正得酒彈壓此夕預知當熟眠

又

桔槔灌蔬固已非竹筴澆花宜見譏杏繁梅瘦種性別
一氣生殺均天機細推物理孰不爾搏風未可嘲卑飛
君其置之且共酌白酒方熟黃雞肥

懷青城舊遊

宦途到處不黔突惟有劍南縻歲月屢遊老澤蒼玉璋
疑是虛皇白銀闕松肪擣麴具晨餐柵葉作衣勝絰褐
泥飲不容繁杏落浩歌常送寒蟬沒水邊洞口適有遇
握手一言換凡骨少陵老子未識真欲倚黃精除白髮

晚立

倦憑小豎立柴門殘角疎鐘欲斷魂傷雁養翎依荻浦
渡牛浮鼻望煙村壯心已覺隨年往孤學何由與俗論
數點雨聲催返舍小窗燈火對壺飧

志喜

雪鬢蕭蕭九十翁
短檠猶喜策新功
斲輪自得不得處
治水本行無事中山市
兒童隨小蹇
江村煙雨宿孤篷
更知衰疾從今減
萬里塵清蜀藥通

窮居

仕宦初何得窮居
半士農清宵叔夜鍛
平旦伯鸞舂馬
磨猶支日牛衣亦過冬
湖中有嘯父何計得相從

湖中隱士

月夜棹舟其疾如飛
並湖有聞其嘯歌者

冬暖園中萱艸蓊然海棠亦著花可愛作路浚井
皆近事也

暖景變嚴冬誰知造化功少留萱艸綠探借海棠紅築
路橫塘北疏泉小嶺東欣然得佳處忘却歲將窮

即事示兒輩

今歲霜遲殊未寒籬東烏桕葉纔丹病輕漸喜免求藥
老甚難誇能據鞍隣舍僧貧分米少酒坊人熟督錢寬
晚來笑向兒孫說且得無生一話團

小雨頗寒

冬溫初喜一寒新
紙閣博爐養病身
殘雨已收猶點滴
斷雲欲散更輪囷
衣裳可典寧留筍
口腹雖饒肯累人
一事明朝差似樂
探梅閒岸接離巾

題舍壁

身寄蝸牛廬
手持科斗書
尚憎鴛鴦戀
棧肯羨鶴乘車
富貴何加我
山林亦宴如
年來常去殺
不歎食無魚

又

艸沒孔明廬塵流倚相書家居四立壁出駕獨轅車窮
達本無擇死生良自如鏡湖三百里處處侶禽魚

仲冬書事

邊頭無警少鈴聲病得新霜亦已平赤脚聽蛩勤夜績
蒼頭租犢待冬耕發奩雙兔駢頭卧溢榼芳醪徹底清
里巷紛紛誇節物春盤儼鼓漸闌情

醉舞

渭城朝雨不須歌爛醉江頭舞短蓑自是先生眼根鈍

天狐伎倆本無多

思蜀

白帝城邊八陣磧
青城山下丈人祠
英雄不生僊又去
零落艸間多折碑

又

蜀莊鳴飛隘九區
超然豈止山澤癯
荒臺古井無處所
行子但覓房公湖

次韻李季章參政哭其夫人

飛蓋傳呼入省門依然殘夢浣花村遙知最是傷心處
衫袂猶霑掃黛痕

又

焚香黃閣退朝歸道話時時正要提九十老翁緣底健
一生強半是單栖

又

萬里羶車入鳳城豈知遽已迫斜曛似聞後院思遺愛
掩淚人人說小君

又

佛供齋僧冀萬分幽明路絕竟難論
若為可慰重泉念觸事平心無怨恩

又

君蒿一去杳難知數紙遺書手自披
切勿輕為歸蜀夢竹枝忍復聽吾伊

又

害道無如狗愛嗔養生尤要晉精神
祝公少置空閨憶

天下安危在此身

又

富貴思歸豈坐迢岷山種芋已成區獨歸它日公無憾

天際煙帆與石俱

李公買石甚富將載以歸

試筆

人間元無第一手萬事端如屈伸肘但能看破即超然
何代商山無四叟老民自視中何有傾身經營一杯酒
此外管城差可人相從且作明窗友

屠希筆

屠希一筆價必千紹興初載海內傳高皇愛賞登玉几
求書蚤暮常差肩一朝希死子孫弱歲久僅可售百錢
宣城晉陵競聲價外雖甚飾中枵然嗚呼世事每如此
使我太息中夕起

寒夜吟

仕宦孰不願美官無如兩膊聳聳寒可憐誤信紙上語
至死功名心未闌骭髀得倚門矍鑠猶據鞍何如百年

中盡付一漁竿布襦可以度雪夕麥飯可以支朝餐但
知禪龕著身穩莫和詩人行路難

記夢

衣紳飄舉髮颼颼一鶴聊為太華遊每過名山思小憩
天風浩浩不留

霜夜

月淡霜清夜漏遲疎鐘杳杳度南陂燈殘有恨欲誰語
雞老無聲如我衰使入蜀川方在道書傳淮浦定何時

若為可遣閒愁得獨擁寒爐爇豆其

時方附蜀中便舟寄書張季長家又

未得古壽書每闕懷

又

土牀紙帳臥幽寂枕上細聽城上更
桴柝燒殘地爐冷
喔咿聲斷天窗明風霜欲透艸茨屋
鹽酪不下齋糝羹
猶恨扶犁老無力向來枉是請躬耕

歲暮

歲暮風霜慘村深草棘稠力衰行每蹇衣薄鼻多皸久

矣當長往悠然尚小留兒童報炊熟得飽且忘憂

與野人散策門外

春意侵寒律川雲結夕陰閒人了無事隣叟偶相尋
廢沼萍黏塊孤村雀滿林世間真夢耳何物可關心

十一月十一日夜聞雨聲

入冬殊未寒塵土冒原野溝溪但枯萍不聞清湍瀉
今夕復何夕急雨鳴屋瓦豈惟宿麥長分喜到菜把
明朝開衡門想見泥濺蹠豐年儻可期擊壤歌幽雅

自述

怡然氣貌漸還嬰
淡飯麤裘過此生
儘道無方能縮地
夢中夜夜上青城

又

齒晚復牢能咀嚼
足攣漸愈可跣跣
短檠非復衰翁事
且與兒孫共地爐

歲暮老懷

粥美忘流歎
燈孤伴獨吟
衾寒知夜艾
身痛卜天陰
薪

炭常憂絕杯觴不厭深故人今已矣三歎有遺音

謂季長也

書況

垂白渭南叟深居湖上村貧知蔬食美閒覺布衣尊琴
譜從僧借茶經與客論探梅來直步沽酒到偏門細織
籠安鶴頻求果飼猿舊書編未絕猶足教諸孫

劍南詩豪卷七十三

欽定四庫全書

劔南詩藁卷七十四

宋 陸游 撰

書道室壁

餘生天地一飛蓬學道年來似有功
習氣掃除空劫外精神澡雪隱書中
種瓜谿父時時見賣藥壺公處處同
莫謂與人緣苦薄相隨拍手有兒童

書志

蓬矢桑弧射四方豈知垂老臥江鄉讀書雖復具隻眼
貯酒其如無別腸足馬揚鞭遊鄴杜扁舟捩柂上瀟湘
自悲此志俱難豁且復狂歌破夜長

雪夕

目視眈眈左耳聾吾衰略與替人同移燈自看吟髯影
取酒時澆礪礪胸東郭稍能師順子北山未敢笑愚公
空村雪虐風饕夜袖手悠然政策功

書枕屏

西域兜羅被南番篤耨香慣眠三犬日不識五更霜

又

心若冰將釋貌如兒未孩青城上官叟時入夢中來

又

甘菊縫為枕疎梅畫作屏改詩眠未穩聞雪醉初醒

又

星斗闌干曉窓扉曉曉聰明金門與茅店一種是雞聲

二友

剗儲名酒待梅開
淨埽虛窓候月來
老子幽居得二友
人間萬事信悠哉

寄五郎兼示十五郎

八十九老可驚白髮森然憎鏡明
身當遊岱尚少駐
書欲藏山殊未成大兒為國戍絕塞
季子伴翁親短檠
古人已矣不可作
夜闌撫几歎平生

鄰曲相過

鄰曲集山家
相看一笑譁
扶行足蹉蹕
半落齒搓牙
農

圃乖生理風霜感歲華老來情話少更盡此甌茶

東窓

臘近寒何薄秋衣著尚宜年光祈雪見節物賣燈知
日初沉後樓鐘欲動時東窓對兒子聊與細論詩

曉寒

落月銜山口濃霜倒菊叢青氈壓衾暝輒火滿爐紅起
晚書虧課愁多酒策功杜陵如管否誰與問征鴻

小雪

簷飛數片雪瓶插一枝梅童子敲清磬先生入定回

書感

夢裏逢無咎天涯哭李長吾生亦有幾且復釣滄浪

家釀頗勁戲作

千古英雄骨作塵不如一醉却關身鼎來雖恨王陵慙
熟味方知孟子醇試問浩歌遺世事何如酣枕養天真
竹林嵇阮雖名勝要是淵明最可人

食齋糝甚美蓋蜀人所謂東坡羹也

齋糝芳甘妙絕倫
啜來恍若在峨岷
尊羹下豉知難敵
牛乳抨酥亦未珍
異味頗思修淨供
祕方常惜授厨人
午窓自撫膨脝腹
好在煙村莫厭貧

雜興

鋤草春愈茂
養草秋亦衰
不如兩置之
榮悴渠有時

又

栖雞未旦鳴
粒食固宜報
林鳥何預人
曉曉欲誰告

又

碩果墜池響魚隊散無迹空弦可落雁此事蓋自晉

又

滌硯欲其潔磨鏡欲其明願君試思之與已孰重輕

幽情

免歸又破六年閑每寄幽情煙水間清鏡不藏新白髮
芳樽猶惜舊朱顏一編蠹簡心空在百瓮寒釐債未還
莫為岷峨勞夢想故鄉隨分有名山

醉歌

不癡不聾不作翁平生與世馬牛風
無材無德癡頑老爾來對客惟稱好
相風使帆第一籌隨風倒柁更可憂
亦不求作佛亦不願封侯亦不須脫
裘去換酒亦不須賣劍來買牛
甲第從渠饜梁肉貂裘本自出兜鍪
變理陰陽豈不好纔得門管晴雨如
鶉鳩辛苦築壘拂雲祠不如吟歎風
月登高樓爾作楚舞吾齊謳身安意
適死即休

霜冷

梅花消息動江邊
漸見新春換故年
莫道孤翁心似鐵
夜來霜冷透青氊

讀書雜言

書亦何用於世哉
聖人之言如造化
巍巍地闢而天開
淵源虞唐至周孔
黃河萬里崑崙來
天不使諸儒為戰
國血又不使六藝
為亡秦灰豁如盲
瞽見皦日快若聾
聵聞春雷挿空泰
華起突兀垂天雲
漢森昭回奈何後
世獨不省顧捨夷
路趨邛邽不知開
眼蹈覆轍乃欲歸

罪車輪推福有基禍有胎一朝產禍吁可哀

東嶺

雲罅漏斜日駕言東嶺行鴉翻半天黑鷺起一川明
小立照溝水欲歸聞角聲君看浮世事何處異棊枰

書戒

我幼事父師熟聞忠厚言治身接物間要使如春溫鞭
扑不可弛此語實少恩但能交相愛餘亦何足論家貧
賴奴婢炊汲與磨門餘力具茗藥夕飯或至昏有過尚

當貫況可使煩冤出仕推此心所樂在平反寧坐輭弱
廢促駕歸丘園吾老死無日作詩遺子孫

書空壁

煙水雲山千萬重散人名號繼吾宗買雛養就冲霄鶴
拾子栽成偃蓋松父老年年同社酒兒孫世世作春農
晚窓睡覺添幽事臥聽蘭亭古寺鐘

雪意

風吼江郊雪意濃雲如兩陣決雌雄山寒酒過平時量

窓黑書虧半日功閑話更端茶竈熟清詩分韻地爐紅
不須遽覓華胥路更竢天花落坐中

山房

何處合題詩山房病起時晨光鳥先覺春信柳偏知陋
學勤何益虛名悔可追布衾新絮暖惟與睡相宜

晨起

勛業文章謝不能生涯分付一枝藤身同湘浦孤舟客
心羨廬山下版僧倦枕厭聞窓外雨殘膏猶在壁間燈

草芝要及清晨服深媿蠻童為扣冰

草芝丹眉山史載之學士方

兩雁

兩雁東西來合羣以南翔鏡湖接天台海濶天茫茫冥
飛遠矰弋長路諳冰霜君看此氣象豈復謀稻粱正爾
下杜陵已復掠瀟湘超遙萬里程燕雀安能量

書文豪後

上蔡牽黃犬丹徒作布衣苦言誰解聽臨禍始知非

題唐執中書樓

吾州唐子他州無閉戶偏讀家藏書志氣頗聞已山立
神仙固自多樓居終日坐忘對燕几有時出遊騎蹇驢
人生如此自可爾勿羨新貴高門閭

歲晚

雲暗郊原雪意稠天公似欲富來麤布衾歲久真如鐵
詎敢私懷一己憂

又

不學空門不學仙端居胃次自超然絳人甲子君休問

新歲吾兒本命年

又

戒殺家庖罷饋魚病脾亦復禁寒踈莫慙鄰里嘲枯淡
出甑香粳玉不如

又

小岫嶙峋炷寶熏卷書閒對一窻雲雁聲勿向天邊過
起立中庭看斷羣

又

小塢梅開十二三
曲塘冰綻水如藍
兒童闌采春盤料
蓼茁芹芽欲滿籃

又

久矣功名不上心
亦無心要老山林
鹿門采藥悠然去
千載龐公是賞音

雀啄粟

坡頭車敗雀啄粟
桑下餉來烏攫肉
桑時投隙自謂才
苟得未必為汝福
恐飢蓬蒿固亦難
要是少遠彈射辱

老農輟來為汝悲豈信江湖有鴻鵠

老翁

老翁睡少知遙夜貧士衾單怯苦寒悶裏不嫌村酒薄
瘦來偏覺舊衣寬籬門遇健時能出書卷乘閒亦取看
深愧野人憐寂莫放鋤相喚共朝餐

寄子虛

人生恨無年我老已爛熟退耕鏡湖上風雨有茅屋事
君闕補報得此不啻足餘年尚幾何嫋嫋風中燭大兒

戍塞垣馳馬佩矢箠去家千餘里辛苦就微祿書來續
三紙語悲不忍讀適弟在我傍亦復淚溢目門戶嗟日
衰持守賴家督雪雲暗淮天念汝方露宿

雜詠

少日狂疎觸怒嗔每緣憂患喪吾真晚收咄咄書空手
却作騰騰任運人

又

得過一日且一日安知今吾非故吾褰手明窓讀周易

不辜香餌一齋盂

又

松肪燎火滿爐紅
粟煎湯到手空
試問坐居守丹竈
何如醉臥聽松風

又

舊聞五岳多靈藥
晚遇高人得祕文
夢境此身常是客
幾時歸臥華山雲

曉起折梅

織女斜河漏已殘
長庚配月夜將闌
小橋幽徑無人見
折得梅花伴曉寒

累日濃雲作雪不成遂有春意

釀雪經旬竟不成
一霜却作十分晴
雲歸岫穴千峰立
暎入郊原萬耦耕
芑葉離離豐歲候
梅花眷眷故人情
道傍孤店新醅熟
已有幽禽一兩聲

晚晴出行近村閒詠景物

雪雲吹盡木陰移
正是先生曳杖時
老犢行將新長犢

空桑臥出寄生枝
醫翁莫過囊探藥
筮叟晨占手布著
誰謂人間足憂患
未妨古俗自熙熙

道室戲詠

道身隱太華壯歲客青城
采藥何辭遠燒丹久未成
傳生已醉死韓子得狂名
猶有殘詩在他年遺後生

書感

人生百憂坐一官
況與羣飛接羽翰
兩具吳牛給畊足
三間茅屋著身寬
煮蒿悽愴曾不免
簡儉寂默差可安

康莊坦坦不整駕可憐平地生濤瀾

又

舞非得譜拍拍錯行未知津步步危劫石消磨會當盡
太行突兀乃可移清晨瓦釜煮藜粥遙夜地爐燒豆箕
此中正自有佳處區區外慕寧非癡

又

茅檐住穩勝華屋芋糝味甘如大烹靜觀萬事付一默
埽空白髮非黃精丈人祠西鶴傳信小姑山前鼉報更

興闌却揮短棹去曉渡清伊聽玉笙

臘月

今冬少霜雪臘月厭重裘漸動園林興頓寬薪炭憂山
陂泉脉活村市柳枝柔春鋤吾何患嘉蔬日可求

雪作

今年冬暎異常時造物收功乃爾奇平野勿着吹雪片
清池俄復結氷澌飛蝗埽地無遺種瑞麥連雲有兩岐
想見市樓增酒價淡居袖手歎吾衰

即事

雲本無心木不材平生得喪信悠哉
釣魚每過桐江宿賣藥新從剡曲回
山圃蒿蔓晨灌溉地爐芋栗夜燔煨
人情萬變吾何預笑口何妨處處開

或遺以兩大瓢因寓物外興

擲葉為衣草結廬生涯正付兩葫蘆
名山歷徧家何有塵念空來夢欲無
野鶴巢雲元自瘦澗松埋雪定非枯
悠然但覓高樓醉何處人間無酒徒

歲未盡前數日偶題長句

老向人間迹轉孤
參差煙火出菰蒲
數畦綠菜寒猶茁
一勺清泉手自斟
穀賤窺籬無狗盜
夜長煖足有狸奴
歲闌更喜人強健
小草書成鬱壘符

又

短褐蕭蕭一幅巾
明時乞與水雲身
平生不售屠龍技
投老真為種菜人
釜粥芬香餉鄰父
蘭豬豐腴祭家神
聯翩節物驚人眼
儺鼓停撾又見春

臘月八日以粥相餽北俗也蜀人恭

豬供祭謂
之歲豬

又

枌櫨小弁野人裝八十三年舊話長真笑形骸無藉在
本知生世不牢強茅檐啼鳥初相命煙渚歸鴻漸著行
想得城中盛冠蓋家家來往薦椒觴

又

風號四野雲如墨徂歲消磨不滿旬瑞雪便應平地尺
野梅又報一年春長河斷渡永將合古寺題詩手為皴

僵臥閉門行路絕安知今代獨無人

又

漸近新年日愈長不辭扶病舉椒觴了無一事干靈府
只合終身住醉鄉鬪釘春盤兒女喜擣筵臘藥婢奴忙
蜀州白首猶癡絕更為梅花賦斷腸

余得蘆竹拄杖于舍傍民家似蘆非蘆堅勁輕滑
色如栗玉入手錯然微有聲它杖莫及作五字唐
律記之

輕堅蘆竹杖入用自龜堂挺節永霜後論交歲月長心
空無寵辱時異有行藏老病登臨少何妨日倚床

八十四吟

新歲八十四自宜形影孤睡憑書檝相愁賴酒枝梧兒
問離騷字僧傳本草圖孰言生計薄種芋已成區

又

七十人稀到吾過十四年交遊無輩行懷抱有曾玄飲
敵騎鯨客行追縮地仙城南春事動小蹇又翩翩

歲算

書房偷得蝸廬樣僅僅能容老病身
紙被蒙頭方坐穩却愁轉眼又新春

又

淺色染成官柳絲水沉熏透野梅枝
客來莫怪逢迎嬾正伴曾孫竹馬嬉

又

挹泉石鼎煎崖蜜候火銅爐炷海沉
一坐便應論十劫

不知歲月去駸駸

又

久衰豈是見人時
健忘偏于養性宜
啜飯著衣常苦嬾
為誰欲理一團絲

又

燕脂斑出古銅鼎
彈子窩溪湖石山
老去柴門誰復過
天教二友伴清閒

又

少慕浮名百種癡老知世事盡兒嬉從今春困不須賣
睡到日高三丈時

書感

襁負客淮穎鬣鬣逢亂離中原遂乖隔北望每傷悲
泛渭題新賦遊嵩續舊詩
人生雖異世此意未應移

泛渭賦遊

嵩詩見白
歐二集

書適

細讀養生主長歌歸去來
山僧借水品溪父送琴材
病

退稀求藥身閑日探梅今宵喜無寐下有書回

學道

學道知專氣尊生得養形精神生尺宅虛白集中局出
坤孤雲靜凌霜老栢青晨興取澗水漱齒讀黃庭

舟中作

東浦菰蒲合南莊桑柘繁

皆村落名

潮生無斷港寺廢有頽

垣糴米尋山步移舟泊水村野人多舊識相對兩無言

得蜀信

齒髮凋零志氣衰強臨尊酒祇成悲少年半是投閒日
春事常當臥病時憂患頗疑書作崇功名不似老如期
青城舊友頻相約歸養金丹尚未遲

送蘓趙叟赴省試

關路誰非觀國賓此君肝膽獨輪囷故家遺俗欲墜地
博士議郎方要人久矣扁舟弄江月往哉駿馬踏京塵
勅中墨色如鴉溼日待東歸一笑新

新春感事八首終篇因以自解

九陌風和不起塵
平湖水解欲生鱗
往來朝暮紛如蟻
得見新春有幾人

又

興來遊衍不辭遙
吹帽風輕過畫橋
猩血未看開露蕊
麴塵先已上煙條

又

一年最好早春天
風日初和未脫綿
坎坎圓鼙賽神社
翻翻小繖下湖船

又

憶到蘆門正月初竹枝歌舞擁肩輿當時光景應如昨

綠鬢治中八十餘

蘆府

又

錦城舊事不堪論回首繁華欲斷魂
繡轂金羈三十里至今猶夢小東門

又

玻璃江上柳如絲行樂家家要及時
只怪今朝空巷出

使君人日宴驀頤

眉州

又

梁州陌上女成羣
銅綠春衫罨畫帟
相喚遊家園裏去

鞦韆高挂欲侵雲

興元

又

烏藤即是碧油幢
百萬天魔指顧降
酣枕不知霜縞瓦
下床已見日烘窓

自歎

晨興袖手觀空寂飯罷寬腰習按摩堪歎一生閒日月
為身時少為人多

初春

春入陂湖已折冰流年誰解繫長繩土膏動後麥苗長
桑眼綻來蠶事興稅足了無徵欠吏飯香時有乞齋僧
開正父老頻占候已決今年百稼登

又

漠漠春寒罷對棋霏霏春雨却催詩梅花一樹映疎竹

茅屋三間圍短籬
醉倒幸無官長罵
出遊自有老人期
年光滿眼吾何憾
又近吳蠶浴種時

簡傳十八官

漢孺

朋舊凋零盡
新交得雋人
文章諧律呂
議論足精神
甚欲邀聯騎
無如困負薪
蘭亭脩禊近
為記永和春

開歲愈貧戲詠

謝事貧過筮仕初
歸裝僅有一柴車
笥衣盡典仍耽酒
困米無炊尚買書
澗底飽觀苗鬱鬱
夢中聊喜蝶蘧蘧

商山幾許功名事老子如今却笑渠

戊辰立春日

昨夜風搖斗柄回典衣也復一傳盃故人久作天涯別
新句空從枕上來清鏡豈堪看鬢色小園剝欲覓桃栽
頽然却恨貪春睡不盡城頭畫角哀

又

臥聽城門出土牛羅旛應笑雪蒙頭但須晨起一卮酒
聊洗人間千種愁處處樓臺多俠客家家舫舫待春遊

梅花未徧枝南北定為餘寒得小留

早春出遊

地爐久厭撥寒灰一笑真成病眼開
不恨城笳催日落且欣巷柳報春回
蹇驢破帽人人看南陌東阡處處來
聞道禹祠遊漸盛也謀隨例一持盃

春寒

故歲無多雪新春乃爾寒柴車歸里社
茅舍老江干客熟沽醕啜孫癡索飯搏
更憐鬆芥長殊勝仰園官

園居

欲出還中止微陰却快晴檻花栽盡活籠鳥教初成身

寄江湖久心知富貴輕還嬰吾所證手自寫菴名

近名小室

嬰曰還

郊行

山色埽石黛江流漲麴塵春晴不終日老病動經旬竹
密有啼鳥村深多醉人東阡與南陌處處寄閒身

野望

偶携一小豎徒倚望南山
舩笛為誰怨溪雲如我閒
洲長歸雁下天迴莫鴉還
安得一竿去終年煙水間

晨起

日高霜漸釋睡起髮猶蓬
小圃經行外新蔬檢校中
水開聞躍鯉天遠看飛鴻
粥熟還歸舍吾生亦未窮

午坐

茶盃凝細乳香油起微雲
樹影窻間見禽聲屋角聞
流年易拋擲舊學失鋤耰
師友今零落何人為運斤

知南詩彙卷七十四